



Tir Yimyim

www.tiryimyim.in

Regd. No. RNI. NAGAAO/ 2004/ 13113. Postal-NE/RN-717.

e-mail : tiryimyim@gmail.com

TAPAK 9

GST kubok totzü aitdaktsütsü atema
Council-i lemtettsü: Pradhan

VOL. XIV NO. 345 (ADOK 345)

DIMAPUR

MONDAY

OCTOBER 02, 2017

5.00

TAPAK 9

Russia nungeri ni kanga
sapur:Hema Malini

China-i Arunachal anasa Expressway tasen ka lapok

Beijing, October 1 (Agencies): maongka agütsür.

Deobarnü China-i India kubok Arunachal Pradesh den arrtsü anasa kilometer 409 talang expressway ka lapokogo.

Iba lenmang ajanga Tibet indang yimtiba Lhasa den Nyingchi sendakteper, ta Xinhua news agency ajanga metedaktsü.

Yimi tulu ana sendaktepba toll-free expressway ji sen \$5.8 billion endoka yanglu aser yimti anaji tourist temi kanga sapuba tesemtem lir. Iba lenmang ajanga Lhasa aser Nyingchi na tsüngda ghonda 8 agia senzüba nungi ghonda 5 dang akümer, ta Xinhua-isa ashi.

Tibet nung aliba expressway teimbaka military equipment belentsü atema amshitettsü aser iba ajanga China sepaitem nem

China-i Tibet nung infrastructure kanga renlokba ajanga India-ia par litsü nung infrastructure development inyaktsü tenzükogo.

Tanü lapokba Lhasa-Nyingchi expressway nung truck tulutem senzübabu nokdanga lir, ta Xinhua-isa metedaktsü.

August 28, 2017 nü China aser India nati Sikkim sector nung aliba Doklam tesem nung tekong merangtepba anentsü telemetetba agi.

China-i Doklam tesem nung gari lenmang ka yangluba nokdangtsü atema taküm June ita India sepaitem iba tesemi ao aser iba mapang nung linük ana tsüngda mepetmesü adoka tekong merangtepba aru.

Nagaland nung International Day of Older Persons amung



October 1, 2017 nü Red Cross Conference Hall Kohima nung International Older Persons Day amungdang State aser Kohima District level nung sempet angurtemi ketdangsertem den küleme agiba noksa angur.

Kohima, October 1 (TYO):

Nagaland nunga Deobarnü International Day of Older Persons ayongzüka amung aser iba anogomung nung tantsü-tambutemi ajangshia arubatem nung ajemdaker state nung nübortem putepa alitsü aser angatetteptsü atema mapu inyaktsü tayongzükba agütsü.

Social Welfare Department-i ayongzüka amungba sentongji was "Stepping into future: tapping the talents, contributions and participation of older persons into society" omen nung ajemdaker liasü aser sentong tongtibaji Red Cross Conference Hall, Kohima nung agi.

Sentong nung Nagaland State Social Welfare Board Chairperson, Bano Vinito-i o jembidang, "taintemi lanuputu tensa tajungba bener arutsüji tang ya mapang tajung lir" ta ashi.

"Nagaland nung AFSPA aser Disturbed Area Act dena ozüng tesashitem agütsüba ajanga tensa mesüngiemteti lir anungji onoki Centre sorkar dang item ozüngtem meyipa agütsü aser tanü putu den apet ozüngtem agütsü mepishir" ta K.K Sema-isa ashi.

Tanü lanurtem dak nungi yimya aser tangatetba tajungtem sama odar, anungji taintemi khuret bena tangatetba tajung nung lanuputu nem tesayuba agütsüslü, ta lai ayongzük.

Nagaland Senior Citizens Forum tenüng nung jembidang K.K Sema-ia, "Naga loktiliba nung ochimashi aser yimten tebilemtsü agi sünga lir aser asenoki ajangshia arubatem lemsatepa asen loktiliba nung tensa tajungba bener arutsüji tang ya mapang tajung lir" ta ashi.

"Nagaland nung AFSPA aser Disturbed Area Act dena ozüng tesashitem agütsüba ajanga tensa mesüngiemteti lir anungji onoki Centre sorkar dang item ozüngtem meyipa agütsü aser tanü putu den apet ozüngtem agütsü mepishir" ta K.K Sema-isa ashi.

Naga yimten tebilemtsü

atema Naga nunger ajaki agizüktetba telemetetba ka teintet rogotem agidaktsünür, ta paisa shisem.

Iba sentong nung teintet rogo noklang aika nem sempet agütsü aser nisung ana nem state level award 2017 agütsü.

Tanü Nagaland Peace Centre Chairman, N Theyo aser Meyisongla na nem state award agütsü aser külen Renchano Kent o Rev L. Suohie Mhasi na nem Kohima district award agütsü.

Sentong nung Sumi Baptist Church Kohima nungi Kashito Aye-i temoatsü meshia sarasadem, Social Welfare Department Director, T Merangsungba Aier-i tesentepertempela agizük, Phom Baptist Church züngsemtemi ken ka aten aser OSD Social Welfare Kewe-ü Kenye-i anküp tepela o jembi.

Nashi kümzükertem shinga metsübutsüla: Mohan Bhagwat

Nagpur, October 1 (Agencies):

Nashi kümzükba ya tamangba yimsü nungi pilar lir anungji nashi kümzükertem (Gau Rakshaks) tetsübu melii mapa inyakang, ta Rashtriya Swayamsevak Sangh (RSS) tanishir Mohan Bhagwat-i metedaktsü.

Sorkar mesüra Supreme Court nung tongti nisungtemi nashi kümzükba anema jembiba atema Gau Rakshak tem temulung ila mebilemtsüla, ta Bhagwat-isa metedaktsü.

PM Narendra Modi aser Supreme Court nungeri nashi kümzükertem dak tai tongloksütsü atema ozüng alema mapa inyakba aibelena meyipzüka jembir, ta paisa shisem.

"Ozung alema mapa

inyakertem aser tashiyim amshirtemi ang iba atemaji shisabulutsüla" ta Bhagwat-isa.

PM Modi aser SC nungeri nashi

kümzükertem inyakba mapa

anema jembiba atema pai iba olen

metedaktsü.

RSS indang foundation day nung o jembidang Bhagwat-i 'tawa bushisüngdang balala asüba ken o tem rongnung nashi kümzükertem indang dena mali' ta ashi.

"Nashi kümzükertem aikati timi dang nashi kümzükba mapa inyaker saka parnok amaker aser tepester. Ajisüaka, nashi kümzükertem indang onükbo mejembir mesüra masüngdanger" ta paisa metedaktsü.

"Nashi kümzükertem mesüra nashi kümzükba maparen ozüng

alema mapa inyakba den sendaktepba tim masü. Ajisüaka, nashi miima shibelenba aser talisa Bangladesh arrtsü anasa belenba ajanga nashi kümzükba aser ajungketba maparen tongtipang kümogo" ta RSS tanishisangisa shisem.

Tamangba yimsü balala nungi nisungtemi nashi kümzükba mapa inyaker aser Muslim nunger nashi kümzükba aikati küdang nisung kari India nung tamangba yimsü balala tsüngda mepetmesü adokdaktsütsü atema tasa ka atonga inyaker ta shiogo, ta Bhagwat-isa ashi.

"Nübortem aginüba ama nashi kümzükba aser nashi ajungketba maparen inyaka aotsü aser tarutsü anogotem tuluba nung inyaktsü" ta paisa shisem.

**NÜ TARUTSÜJI
NÜ DAK DANG KETA LIR.
NAI VOTE SHITAK
AGÜTSÜRA NÜ TARUTSÜ
AJUNGTSÜ**



DLSAs-i district balala nung 'Int. Day of Older People' among



Zunheboto, October 01, 2017: Deobarnü Zunheboto nung 'International Day Of Older Persons' anogomong sentong nung Senior Citizens award angur ana den Panel Lawyer ZDLSA aser NSCFZDU Chairman kulemi tangokba noksa nung angur.

Dimapur, October 01 (TYO): teyari balala indang metedaktsü. 'International Day of Older People' anogomong, October 01, 2017 nü Mokokchung District Legal Services Authority (MDLSA) nungi Panel Lawyer MDLSA, Sentinaro aser Panel Lawyer MDLSA, Maongtula den PLV temi Ungma yimdak Old age Recreational Morung semdanga liasü.

Recreational Morung ya arishi küm 80 ser temapur tamburtem tesendaktep alitsü nükjidong nung village council-i yangluba lir.

Sentong tatsüka agidang, tang arishia alir parnok 15 ji arishi küm 82 nungi 93 tsüngdapurtem liasü, aser parnoki hopta shia anaben molok-makang atakba ajanga parnok nüngdak peria aliba indang MDLSA-i angajem.

Sentong nungsa Sentinaro-i teintet rogotem dang parnok indang temeten aser teyari balala indang metedaktsüba den kulemi MDLSA inyakyim metedaktsü.

Laisa teintet rogotem dang parnok shisa lemsatepba atema pelaba lemsatep.

Ano Social Welfare Department Mokokchung-i ayongzükba tanga sentong ka nung Retainer Lawyer, I. Imkong Jamir-i teintet rogotem dang parnok temeten balala aser

1934) na nem agütsü.

Tena nem NSCFZDU-i certificate den gift hampers aser Social Welfare Department Zunheboto-i senpet agütsü.

Iba sentong nung teintet rogo parnok 80 shi aden. Iba sentong ya NSCFZDU Chairman, Akuto Chishi leniba nung agia liasü.

Wokha: October mezüngü Wokha District Legal Services Authority (WDLSA)-i Longsa Cultural Hall nung 'International Day of Older Person /Senior Citizen' anogomong sentong ka ayongzükka liasü.

Sentong nung Panel Lawyer WDLSA, Meribemo Lotha-i "Welfare Schemes - National Social Assistance Program" onük nung jembi aser Panel Lawyer, Renbonthung Tsanglao-i NALSA, (Legal Services to Senior Citizens) Scheme 2016 indang lemsatep.

Panel Lawyer WDLSA, M. Gracy Ezung-ia 'WDLSA role & function' onük jembiba den teintet rogotem indang legal provisions metedaktsü.

Longsa Village Chairman, Zayio Ezung-i okila jembi, Renbonthung Tsanglao-i ankiüp o jembi aser PLV WDLSA, Titibeni leniba nung iba sentong agia liasü.

Iba sentong nung teintet rogo parnok 150 aden.



Moayimti Women Ministry ajanga 'Senior Citizen' nüngtem nung angati medical camp ka September 28, 2017 nü ayongzükka kanga takok ngua kaogo. Teintet rogotem den teyari nüngdakbapur parnok ajak agi nisung 101 temang repranger mozü angati agutsüogo. Tongtibangsa Mangkolemba Community Health Centre nungi Dr. Akumba, Dr. Arenla, Technician, Nurse aser teyariteper ajak dang kanga pelaba lemsateper; tarutsu nung Tsüngremi nenok mapa tajung asoshi moajangma, ta Associate Pastor Women, Wt. Asangla-i sangdong ka ajanga metedaktsü.

Nagaland Angh aser CM-i Gandhi Jayanti salem osang lemsatep

Dimapur, October 01 (TYO): state Chief Minister-i Gandhi Nagaland Angh, P.B. Acharya-i state nüburtem dang Gandhi Jayanti salem lemsateper, ta tanü PRO to Governor sangdong ka ajanga metedaktsü.

Iba anogomong ajanga nübur ajak Gandhi indang ochi lenmang, meraraba aser merükmejuba lenmangi anitsü imlar, ta Angh-i metedaktsü.

Iba anogomong ajangsa alima nung yimzung, alima nung telongjem, chihiba temeim aser merükmejuba lenmangi anitsü imlar, ta Angh-isa metedaktsü.

"Mahatma Gandhi-i linük nüjiso aser tamangba lokti tsüngda tesünep atema pa akumli piyong nendaka inyak. Pa tangatetbatemji alimai benshir aser teti alitsü. Yimzung alitsü atema pai 'Ahimsa' nung tamang akabaji mapang talangka alitsü. Paisa merükmejutsü aser yimya tajung benshitsü atema tesayuba agütsü," ta sangdong nungsa shia lir.

"Iba anogomong nung asenoki Gandhi tangatetbatem tesünep, linük meimba, bendanga agütsüba aser meraraba tangatetbatem benshiba ajanga iba anogomong tetezü ketcaktsüdi," ta CM, TR Zeliang-isa ayongzük.

Tribal Age Home nung Senior Citizen anogo among



Dimapur, October 01 (TYO): Tribal Old Age Home küm asem ajunga den Day Care Centre aser "International Day of Older Persons" anogomong TOAHDCD premises, Indisen, Dimapur nung teintet rogo parnok 41 den mongogo.

Kasa sentong nung temeimertem, teyaritepertem aser kibongtem dena liasü. Iba sentong nung tambutisangji arishi küm 94, Wb. Kumsameren Imsong liasü.

Johny Kikon leniba nung iba sentong agi, Rev. Dr. Temjen Ozukum (Pastor Indisen Baptist) aser tenüngsang agüja lokti chiyunga sentong tembunga liasü.

CTN nung sorkar kaketreju küm 100 ajungbamong amongtsü

Dimapur, October 01 (TYO): Education Union, Changtongya-i ayongzükka Changtongya lima sorkar kaket reju tenzüker küm noklangjongmong sentong ka "Shisaliok ajanga chichiba nüchi" omen nung ajemdaker October 4, 2017 anepdang 10:00 ako nungi Changtongya Baptist

Arogo nung agitsü renema lir, ta tanü sangdong ka ajanga metedaktsü.

Iba sentong nung onük jembirtemji DFO Mokokchung, Wb. TN Jamir (IFS) aser FAC Mokokchung Principal, Wt. S Arenla Lkr na asütsü, ta sangdong nungsa shia lir.



Deobarnü, Imphal nung G.P. Women's College Hall nung National Voluntary Blood Donation Day 2017 tetenzüksü temaitsü Manipur Health and Family Welfare Minister Langpoklakpam Jayanta Kumar Singh-i temo milen tsükloka noksa nung angur.

Dalai Lama-i Oct 17 nü Manipur semdangtsü

Imphal, October 1 tatembangsa linük yimtiba lenirtemi tashishitsüba kecha (Agencies): International peace conference nung shilem nung Dalai Lama den malitsü, kechiyong parnoki ajurutepba mapang pai pa Manipur bo parnok meyong ta agitsüba atema Dalai Lama-i dang Manipur semdangtsü makhanger. Manipur yimtiba Imphal asoshi mepeshia liasü, koba October 17 nü semdangtsü. pai pelashishia agizük.

Iba osang ya Honibarnü Manipur Legislative Assembly, Speaker Yumnam Khemchand-i lokti senden ka nung metedakstsü. Khemchand-i ashiba agi, Tibet nunger tamangba yimsü tsütsü leniri October 18 nü iba peace conference nung shilem agitsü. Iba sentong nung alima linük balala kar nungi tamangba yimsü tsütsü lenirtemia shilem agitsü.

Khemchand-i ashiba agi, Taoba ita ishika tejakdang Dalai Lama-i Arunachal Pradesh semdangba ajanga China nunger lenirtemi kanga mejungi aitsüogo. Osang ka ajanga ashiba agi, tangbo China nunger Speaker-i ashiba agi, pai agi, tangbo China nunger

BJP election in charge-i Arogo nung lenirtem ajuru

Shillong, October 1 "Nisung balala den senden akaba tongtibangtiba nükjidongji state nung lokti balala nungi pei taginüba, tejangraba aser imlabatem angadangtsüba atema liasü, aser party ka ama onoki sorkar kümterra item timlabatem ajak atalokstsü asoshi merangtsü," ta Kannanthalam-i ashi. Pa ya Union Minister of Tourism lir.

Pai ashiba agi, Arogo nung lenirtemi state nung ochi mashi inyakyim kanga bulua aliba tebilemtsü indang lemsatepa liasü. Union minister-i Honibarnü Nongkrem semdang liasü. Kannanthalam-i, Dr Balajied Syiem den

ajuruteptetba atema pelaba lemsatep. Paisa ano Union sorkari Meghalaya ya linük nung raliwalirtem atema tesem tajungtiba ka kümdakstsü asoshi takok tashi teyari agütsütsü, ta tenangzükba agütsü.

Taoba mapang nung ministeri Umprup semdangba mapang lokti senden ka nung o jembidang nürurtem dang pai kidang nungi swachh bharat tenzüksü asoshi mepishi.

Paisa ano sorkari taruba küm pongu tsüngda nung sensakertem atema ki crore ana yanglutsütsüba osang sangdonga liasü.



Honibarnü Guwahati nung Assam forest minister Pramila Rani Brahma-i zoo nung computerised ticketing system tasenba lapoktsüba noksa nung angur. Iba sistema nung camera ana keta lir koba ajanga ticket alirtem aser parmok indang ID tangoker.

Kiren Rijiju-i Nartiang semdang

Shillong October 1 (Agencies): Union Minister of State for Home Affairs Kiren Rijiju-i yashi West Jaintia Hills district nung Nartiang yimtsüng semdanga liasü. Iba mapang nung pai 'Maa Jayantee'; temeshi 'Shakti Peethas' rongnung ka kulema la nungi temoatsü meshi.

Iba yimtsüng semdangba mapang lokti senden ka nung o jembidang pai ashiba agi, Nartiang semdangtsüba ya pa atema yakta nungi tejangraba ka liasü. Pai ashiba agi, "Ni Shillong aser West Jaintia Hills aiben semdangogo, saka iba temeshi tesem ya semdangtsü asoshi maongka monguteti liasü. Tanü iba tebur tajung tesem aser temeshi Shaktipeeth semdangtetba atema kanga pelar, aser ajia iba amala tongtibang Vijaya Dashami aser Dusshera amung mapang nung semdangshiba atema kanga jangra atemer."

Iba amala temeshi tesem ka tongtetba ajanga jangratema ka agütsür, ta paisa ashi. Shakti peeth ya kanga temeshi lir aser tsüngremi Nartiang nung aliba nürurtem moatsütsü aser tamajungba ajak nungi soita

ayutsü, ta pai maneni shisem.

Iba yimtsüng indang tongtibang indang jembidang minister-i ashiba agi, "Iba yimtsüng ya linük nung sobaliba tsütsü takartiba yimtsüng rongnung ka lir ta ni nümadanga shitetsü." Pai maneni yimdaklirtemi yimtsüng mereka ayutsüba atema bendanga agüja inyakba atema parnok tenüng asangba den külemi, tanga tesemtem nungi nürurtemi parnok nungi angazüktettsü, ta ashi. Minister-i iba yimtsüng wazuka ayutsü asoshi takok tashi teyari agütsütsü nangzük.

Paisa maneni iba tesem ya Meghalaya aser India atema dang masü saka alima ajak atema tongtibang lir, ta ashi aser pais India sorkar Ministry of Tourism and Ministry of Culture dang iba tesem raliwalir mongjen ka kümdakstsü asoshi teyari agütsütsü atema mepishitsü aser iba ajanga nisung aikati iba tesem semdangtettsü, ta shisem.

MLA Vincent Pala, local MLA Sniawbhalang Dhar, tang tasen shimetba CEM A Andrew Shullai aser MDC temi pa den külemi iba tesem semdanga liasü.

Retired Army officer ka dang kuli kaket tejangja meshi



Guwahati, October 1 (Agencies): Linük küm semer tashi tenzüka arur Guwahati nungi retired army officer ka dang state foreigners' tribunal ajanga pa India lisopur ta asüba kuli tejangja sayutsü asoshi tetuyuba ka agütsüogo.

Mohd Azmal Hoque shiba junior commissioned officer (JCO) jenjang nung yakum mapa nungi anen, pa Bangladeshi nungi kuli kaket tejangja makai aruba nisung ka, ta Assam police-i jatsüogo, aser iba dak sendakba nung ken o ka benokogo. Police temi ashiba agi, pa March 25, 1971 küm Pakistan army-i East Pakistan nunger anema Operation Searchlight benokba anogo nung Assam-i kuli kaket tejangja makai jena aru.

Taoba ita foreigners' tribunal nungi pa Bangladeshi nungi ozüng alema aitba nisung ka masü ta kuli tejangja agüja sayutsü asoshi metedakstsü.

Assam nung ozüng alema bendanger arurtem, talisa Bangladeshi kümterba sülen

India-i aitertem asadangtsü asoshi foreigners' tribunals 100 amenoka lir.

July 6 nü Hoque dang September 11 nü tribunal matsüngdangi arua kuli tejangja agütsütsü asoshi tetuyuba ka agüja liasü.

Ajisüaka Hoque iba anogo nung tribunal den majuruteptet, kechiyong iba osang September 11 sülenang pa talidak yimtsüna atong. Pa October 13 nü maneni tribunal matsüngdang nokdakstsüsa akümtüs.

"Iba osang angashia ni kanga mepelar. Linük küm 30 tashi tenzüka sülena onok dang India nunger ta asüba kuli tejangja meshir. Iba ya kecha nüngdak maliba maparen ka lir," ta Hoque-i ashiba osang ka ajanga metedakstsü.

Iba amala tatalokba ya Assam nung tang mezüngbuba ataloker masü, June itaa Assam police constable Abu Taher Ahmed nema kasa shidi ka Foreigners' Tribunal-i agüja liasü.



TIR YIMYIM

YIMOBILEM (EDITORIAL)

DIMAPUR MONDAY, OCTOBER 02, 2017

Nagaland senso

Tangbo asenoki aginüyonga maginüyonga Nagaland nung alirtem ya India senso saka India senso ajakbo Nagaland senso mekümtet. Kasa linük India nungsa süaka tangar India sensosangertem den Naga nunger jenjang balaka nung alibaji iba lagi bendanger. Aji oda, Nagaland nung chichiba sensosangertemji shirnok India telongjem kübok Nagaland makümdangyongi Naga lima nung liasü, parnokji asütsü. Aji oda, India telongjem kübok Nagaland-a state ka ama züngsemer külen mezüng electoral roll adokba nung pei tenüng mesüra pei tsüraburtem tenüng lira, pa mesüra lajibo tsümar süaka Nagaland senso asütsü ta lateta lir. Aji oda, Nagaland state nung senso tapu ana lir, kaji Naga Indigenous aser tangabaji Non-Naga Indigenous. Iba Non-Naga Indigenous citizen tem ya Dimapur nung alir tsümartem lir. Item rongnungji Marwari, Bengali, Assamese aser Nepali nunger ama tanga state-tem nungi Nagaland makümdangyongi arua Naga lima nung alirtem lir. Atangji, Naga nunger mesüaka Nagaland nung sensosangertem rongnung Kohima nung alir Nepali nungertema aika lir. Ano, asenoki angatetsüba kaji Nagaland nung arua alir tsümartem rongnung Muslim nungertem rongnunga 1963 küm jakdang Dimapur nung arua alirtem aika lir. Aji oda, tanü ama Nagaland nung Muslim nungertem renlokba aser parnoki mapa tamajung inyakbatem putet dang asenok aikati Muslim nunger ajak ya Bangladesh nunger amai bilemer, ajisüaka India nunga talisa Bihar state ama nungi arur Muslim nunger aika Nagaland nung senso küma lidagi. Itemji Nagaland nung indigenous asütsü akok masütsü akok saka asenoki parnokja Muslim nunger asüba agi Bangladesh nungi arurtem den külemei yongru ka rür amshira, parnokji asenoki mezüngmeshir asütsü. Anungji, tzümartem asüyonga indigenous süra parnokji Muslim asütsü akok mesüra Hindu nunger asütsü akok, parnokji asenoki temelaba melii arurtem 'illegal immigrants' amai mebilemtsüla. Atangji, Non-Naga indigenous senso asüyonga Inner Line küboki maitba tesem, Dimapur ama nung Nagaland senso ama sademsadema alitsü ashi, parnokja Nagaland gate alema Nagaland telungi aidangbo Inner Line Permit nüngdaktsü. Aji oda, Nagaland nung Naga nunger lanur shinga mapa maka ta masütsü asoshi " Nagaland government-i Nagaland nung indigenous citizen masüba tsümartem nem dokan memendaktsütsü, taxi gari aser autotrickshaw manidaktsütsü atema ozüng tasen ka latet nunga koma süla ?" ta asüba onük nung asenok ajaki taoba hopta piyong bilemdangogo. Tetezü, tzümarsa asüyonga Dimapur nung Non-Naga Indigenous purtem dak alaka shinga nema dokan amentsü trade licence magütsütsü aser taxi gari aser autorickshaw anishitsü temelaba magütsütsü. Ibajı ozüng anema masü saka ozüng nung aliba ama inyaker. Aji oda, joko Nagaland assembly nunga 16 point Agreement khen meyipa reprangdanger külen temzung ozüng tejenbo ajak tasen küma yanglushitsü temsüogo. ILP ozüng ya dena alemli British nunger India nung yimsüsüba mapang 1873 küm Bengal Eastern Frontier Regulation ta ser latetba nüngja dena kasaji tanü tashi amshia arur. Ashi, joko tang yabo Nagaland ILP Act küma assembly nung akangshia latetter alitsüba mapang lir. Aji oda, Nagaland nung aliba tzümartem shirnok indigenous masü parnok denji rarabangseno aridoktsü ta masü saka parnok asoshi mapa inyaktsü tesem tilakata meyutsü Naga nunger lanurtemi inyaktsü ajungshir. Ibajı lanurtemi inyaktetra, injang kata mekadok aser tashiyim amashia shinga maridok saka yimjung nung parnoksasa Nagaland toktsü aotsü. Iba dakji alaka Indigenous asüyonga, tsümartemi Inner line ajanger Nagaland telong nung kümsa küm senso küma dokan amentsü makok. Inner Line Permit ya Nagaland nung kümsa küm mapa inyaka alitsü mesüra dokan amentsü asoshi agütsür masü saka anogo ishika atema Nagaland repranga senzütsü mesüra nüngdak mapa inyaktsü atema agütsür. Nagaland nung Naga nunger taküm junga aotsü atema talisa Mokokchung nung kaketshirtemi Survival Mokokchung yimyim agüja tsümartem aika odaktsüogo. Ajisüaka, ano tang Mokokchung district nung tsümartem ILP amer dokan amenertemja ozüng raksartem ta asenoki angatetdi, kechiyong ILP amener küm ta masü saka ita junga alitsü ozüng agi memelar. Itemji khen bilemdangdi.

OLEMSABANG

TEINTET ROGO

T. Yanger. Ozüküm
Mongsenyimti Village. (2017)

1. Tsüngremi meimchir kaji nükjidong tulu nung yanglu Tsüngküm mongpu melentepba den sako Oda meimchir takümtema Pa sentong nung dang lidaktsür Saka ya ajakji arishirtemi dang tejangja ngutet Tanüa Obou, Otsü nungertem anogo temoatsüba sang Kinüwa tetsü mama yonga tanur nungi Tainlong, Tebenjem, Atura aser tashika mapang tashi.
2. Temeim Oboula, Otsüla nungertem ya biledangangma Aika rongnungi arishirtemji nenok masüno? Kopu apur kolakji sentsüwangshi korang ta Laishiba nung tejangja mezülukama? Saka naa! Ner panger jenti Dipuleni ilongogo Aika takümbö lir saka yia lular tiai yiogo Ano aikasa ajebasük tia nung nemjemseta lirji.
3. Onok den nenok tensemdang lembla - lembla - a bilemer Atangji "ARANGSHI LONGZÜK" ta ajatsü talanga Temokok agi naro anoa ajok amer jajaba lagi Kima yimdong azürepa longsodaktsür Ner sayu O tajung lagi kin rangpen tejakleni odagi Tetsüng tepen, tenük telen nung tashi ajemaka Merosepba kotaker tanüla ner dak kaodakjangma.
4. Iba lima nung tali mashirtembo ayatai Asa taoi nüngsenpangsen nungi mepilatet Achiajem mazüoktet, libaliro meshitak Kotak lenmang paitoker molumi leni ilongdagı Anepdang anüdok nungi anülü tashi nung Ken danga Tsüngrem dang kü takum na asoshi Ta meshidangba teintet rongnung na melikama?
5. Temeim amangba purtem! Ya tenok - tenoka angang Asenoka tebenjem taküm ya tetibosa malitsü Teintet rogo rongnungji na - a züngsemetsü menua maliako Arungma, longjemer Akok tashi parnok tushidi Arishi anogo talang moajang ta ayimtendi Par mapa tajung tsüngsü neptaka arishidi Asen akümdong alangzüksü tanü parnok tushia mongdi.

TSÜNGREMI ASENI LIMA NUNG OBOULA OTSÜLA NUNGERTEM ARISHI ANOGA MOAJA TETEMJEN TAKÜM KAKA KÜMDAKJA LEN ANIANGMA.

AMEN.

Iba Olemsabang nung lemsaba ken-o aser shisatsü ya iba ocet zülur-i bilemba ken-o ama tazünger-i angateta agitsü mepishir

ABAM Sunday School Tesayurtem Triennial Conference agi



Dimapur, October 1 (TYO): Dimapur, Rev. Dr. Tali Lemtur ABAM Sunday School Senior Lecturer CTC Alichen, Rev. Toshi Longchar Head Master Impur Bible School aser Mrs. Imtila A/HM Impur Bible School liasü.

Iba sentong ya anüngdang aser aonung sentong balala benteta agia liasü. Sentong nung o jembirtemji Rev. Dr. Along Jamir India Bible Society, Mr. Temsuyanger Lect. CTC Alichen, Mrs. Narola Asso. Professor DBC

timbaka Theology mazünge asünung, parnok asoshi tejangjaba nung tanurtem dang lai o ananütsü asoshi ayongba sentong liasü. Ajak agi arogo 117 nung Sunday School

Tesayurtem 896 arua shilem agi.

Maneni Tsungremer wadang nung inyakdang, bendanga agüja tenzük Tsungrem nungi temoatsü agiangma, ta Executive Secretary, ABAM-i sangdong ka nung metedaktsü.

Iba sentong ya tesayurtem

Transformation Crusade: Asenokichichiba Tsungrem amanger



Dimapur, October 1 (TYO): Honibar nikongdang Wokha Town Baptist Church nung Transformation Crusade anogo pezübuba sentong agiogo.

Iba sentong nung nisung 4000 dak tema aden aser Tsungrem o jembirji Phezoucha Nagamese Baptist Church, Kohima. Pastor, Velavoyi Keyho liasü.

Sentong nung mendenji Zuchanthung Lotha, pianist ji Abeni L. Murry, cantor ji Yonny Murry nungerem liasü aser Transformation Crusade Team-i tekülem aser tetushi agi.

"Asenoki amangba Tsungremji chichiba Tsungrem lir aser asenoki Pa dak teimla teti ayutsüla," ta Velavoyi Keyho-i o jembidang ashi.

Alubo tulu saka mapa inyakertembo ishika dang ta asüba Lai o nung ajemdaker pai ashiba agi, 'Tsungremi kodanga sodi magir saka tanen maka mapa inyaker.'

Keyho-isa Tsungrem tanüla ajanga asenoki timtem, tekangshi, shirang aser ajak koktetsü ta tesentepertem ayongzük.



September 29-October 1, 2017 anogotem nung ozü Peren Ao Arogo nung Tsungrem lar Mr. Joseph Youth Evangelist, DABA, Tongti O jembir sur Mrs. Amenla, Mr. Aküm aser Mr. Temsü parnoki yaritepa Youth Retreat sentong kanga temoatsü ngua agiogo. Tsungrem lartemi Tsungrem tajaba angateta onoki asüngdangba ama mulongsoa arua yaritep nung Arogoi nenok ajak dang kanga pelar. Peren nung aliba lanurtem ajak tanü anguba temoatsü bener Kodak tongtettsü sarasadem jangma, ta PTABC Pastor, M. Yanger Ozüküm-i sangdong ka nung metedaktsü.

ANOGO ABEN TSÜNGREM DEN

AGÜTSÜBA NUNG OCHI TELEMTETBA

"Nai tamasa Pa yimli aser Pa temeshiba bushiang aser item ajak nü nem bendenloktsütsü ... " Mathi 6:33

Aseni dang tamasa Tsungrem pelatsusa inyakra asen akaba nungji Pai ana bendenloktsütsü. Aseni asen nungdakbaji memetet saka Pai ang asen nüngdak ajakji meteta lir. O Tsungrem kü taküm nung ni ya kechi nüngdaker, aji kù nem agüjangma ta Tsungrem dang meshidi. Ajak nung Tsungrem metebaji tongtibangba lir. Solomonji na asü-asübo naia kechi meshir lila? Tsungrem metetba aser Pa dang asüngdanga sarasaderem meshiba lagi telemtetba tajungji agiteter ta angazükdi. Telemtetba junga agiteterba lagi nü ayak tali jangjar aser iba lagi Tsungrem mapa tali sentsüwangshidaksür. 2 Putipuyang 1:6-13 nungji, Solomonibo pungmang nunga telemtetba kanga junga agia Tsungrem tsüngdang pai kechi nüngdaker aji meshi. Kanga dang shitak meshi nung memeshibaa dena Tsungremi Solomon nem agütsü.

Adianutem, tanü asenoki tanga ajak toktsür tamasa aseni Tsungrem bushira, aser Tsungrem ya aseni ochi shia agizükra koda sur Pai aseni meshiba aser mepishiba magutsütsü. Pai agütsüba nungji asen nem ka tangji masü saka Pai bendenloka aika agütsütsü aser sayutsü.

SARASADEM:

O Tsungrem onoki nü nem agütsüba nung ochi agi telemtetba agidakjangma. Amen

Kerala nung yoga centre kati tetsürtem tashiyim agi Hindu dangi meyipdaktsür

Thiruvananthapuram, September 29 (Agencies):

Kerala nung Khristan ka den kibong akumba atema tetsür ka anogo 22 nü yoga centre ka nung puoka ayu ta ken o benokba atema police-i bushisüngdang tenzükogo.

Kochi anasa Tripunithura nung aliba Siva Sakthi Yoga Centre nung nisung 5 anema ken o ji benok.

Iba centre ji Arsha Vidhya Samajam Charitable Trust ajanga repranger aser Hindu tsür Shweta-i Kerala high court nung parnok anema ken o benok.

Lai Rinto Isaac den kibong akumba sülen lar tsürburtemi la tashiyim agi ita ter atema yoga centre nung "counselling" agitsü yok. Yoga centre nungji la dang Bible aser Quran nung metokmeperi aser aibelen alibatem indang tesayuba agütsü, ta Shweta-i ashi.

Lai ibaji anema nokdakdang centre nung alirtemi agi la teka alen aser dormitory atem mesüra metsümeshidak mejangdaktsü. Tangartemi küm aika iba centre nung puoka lir aser parnok aika shiranger saka teyari magütsür, ta laisa ashi.

Shweta ji taküm August 21 nü centre nung jena adok aser lai ashiba agi tetsür 65 shi iba centre nung tashiyim agi puoka lir. Parnok tanga tamangba yimsü teburtem den kibong akumba yong puoka lir aser parnok dak tashiyim agi shi nung medemer.

Social Democratic Party of India kubok tetsür kongsang-Women India Movement-i ashiba agi, yoga centre ji 'Ghar Wapsi' campaign indang mapa inyaker.

September 23, 2017 nü arishi küm 22 tain Athira ta ser tetsür kati Kerala nung osangbener senden ka nung jembidang, la taküm July ita Islam agizüktsü atema ki toktsür ao saka la tanaben Hinduism dangi meyip.

Arsha Vidya Samajam züngsemtemi la semdang aser parnok la Kochi centre nung counselling atema anir ao ta Athira-i osangbener dang ashi.

Tesüiba küm 4 tsüngda parnoki Hindu tsür 2,000 tanaben pei yimsü dangi meyipdaktsüogo ta Arsha Vidya Samajam-i ashir.

Taküm May ita Hindu tsür Akhila Ashokan-i Muslim nunger ka den kibong aküm saka la tebui ken o benokba ajanga Kerala high court-i tena ozüng alema kibong aküm ta obendang agütsü.

Tebursang lagi la anir orr Islamic State atema rarer akümtsü ta Akhila tebui ken o benoka liasü. Ajistüaka, activist temi ashiba agi la lar kidang tepuokdak ama yua lir aser temeden magütsür.

Iba ken o atema Supreme Court-i tena kibong akümtsüsa tensa ajuruba indang bushisüngdang asütsü tuyu aser kulen Kerala state women's commission-ia la den ajuruteptsü temelaba meshiogo.

September 23, 2017 nü Kerala nung arogo balala nungi tetsürtemi Indian Christian Women's Movement ta ser telok tasen ka tentetogo. Iba telok ya 2014 küm Pune nung mezüng tenteta liasü.

Kerala state nütsüng yongsük nung Khristantem aika lir aser parnok noklang nung shilem 20 shi lir.

Anü ita petinu ajanga alima nung tsüngsang mopung melenshidaktsüba ama nisunger tia-a melenshidaktsür ta anü ita petinu tetzürtemi ashir, parnoki ashibaji shidak asü tai'ar nai-a na asoba ita anogo den tanü nü tia medemdangang (Horoscope):



Aries

21/3-19/4

Tanü na kanga sasa pelaa alitsü. Nü den puteper den mapang inyaktsü junger. Kibong sensaksem ajanga süngjang tajung atangstsü.



Taurus

20/4-20/5


Nikongdang tashi nung ang nai bilemba inyaktetsü. Pi atema jembiba nung mapang meindoki nü mapa takok asoshi inyaktsüla. Tultur den mangatetep adoktsü akok.



Gemini

21/5-20/6

Nai makoktsü mapa nungi pila alitsüla. Nikongdang nü lenisüba mapa nung sen lenmang peria alitsü nüngdak. Na jashiba nai kara azüoktetsü.



Cancer

21/6-22/7

Tanü na kanga pelatsü. Tanü nü tashitemetet sayutsü anogo tajung asütsü. Kaketshisatsü bushitsü aser alieni aotsü anogo tajung asütsü.



Leo

23/7-22/8

Tangatet nisung anasa inyakba ajanga mapa jangratema inyaktetsü. Kanga atidanga aser aremzüka alitsü nüngdak. Sadoka aliba ajanga tangazükba aika ngutettsü.



Virgo

23/8-22/9

Tanü nai meimer den mapang intoktsü ongdang angutsü. Nai tangar o kanga magitsü. Liromedemtetba ajanga tetsükdaktsü ajema akümtsü.



Libra

23/9-22/10

Anepdang aser nikongdang tangar tebilemtsü nung yaritetsü. Tanü meimlaba tensa ka ajangshitsü akok. Mapa inyakzüker külen masü saka teinyakdak nung jangra tatemba asütsü.



Scorpio

23/10-21/11

Tanü na tebilemtsü kecha malitsü. Tejangraba kar ajanga dang na apusotsü. Mapa tasak kecha meinyaktsü merangtsüla.



Sagittarius

22/11-21/12

Tanü nai tarutsü atema sentong balala bilemdangstsü. Nai metetba ajak tendangnúa akümtsü. Tapu ajaklen nungi osang bendena asadangstsü akok.



Capricorn

22/12-19/1

Nikongdang telemtetba agitsü mapang tajung asütsü. Ner kibongi tetendangba kar ajurutsü akok. Ner den teti jungtepa alirtemia ner anemtsü akok.



Aquarius

20/1-18/2

Nai tanü nü tebilembatem asadangtetsü. Nai shinga nema meinprong mesüdaktsünütsü. Tang mapang ya nai kechisarena aika angazüktsü.



Pisces

19/2-20/3

Tanü nü shisatsü tanga mapang dang nungi balaka asütsü. Nai mulungba dang inyaknúa bilemtsü. Kechisarena tendangnúa bilemtsü.

Frozen 2 kanga jangratemtsüka asütsü: Josh Gad



Josh Gad

Los Angeles, October 1 zülutsü: "Iba telok den külemi (Agencies): Actor Josh Gad shilem agidang jangra atemba ama kecha nunga jangratem mali. John Lasseter den külemi Chris Buck, Jennifer Lee, Peter Del Vecho, Kristen Anderson-Lopez, Bobby Lopez aser iba film tanabuba shilem ya kanga jangratemtsüka asütsü.

Iba film tanabuba shilem atema ola mangaok tenzükogo, ta Gad-i pa indang Instagram account ajanga sangdonga liasü.

Mezungbuba film nung Idina Menzel, Kristen Bell aser Jonathan Groff nungeria tongti shilem agia liasü.

Ola mangaokdak tesem nung pa den külemi shilem agirtem den külemi tangokba noksa ka Gad-i post sütsü aser yamai


Iba film ya Nov. 27, 2019

nü sayatsüba atema renema lir. 'Frozen' mezüngbuba film ya Hans Christian Andersen's fairy tale "The Snow Queen", nungi agizüka yanglu aser iba ya Princess Anna (Bell ola) meketa yangluba otsü ka lir. Otsü nung la iceman Kristoff (Groff ola) aser pa indang reindeer den külemi la teyi Elsa (Menzel ola) kümzüki aoer, shiba tashi ajanga lar chuba yimli tatem maka asükwa ka nung tokja liasü.

2015 March ita iba tatongtep film yanglutsü sangdonga liasü. Iba film ya maneni Buck o Lee nati direct asütsü aser Peter Del Vecho-i produce asütsü.

Ajisüaka film indang otsübo tang tashi mejangjateti lir.

Miley Cyrus-i la mapa nendaka inyaktsü atema yi aser ganja toktsü



October 01, 2017: Nüngtugu kentener, Miley Cyrus-i, la ken tasen nung temelung agütsütsü atema lai yi aser marijuana (ganja) achiba toktsügo, ta metedaktsü.

Mapang shi lai temesepba mozü achiba indang odiodia metedaktsür, aser lai ashiba agi, lai taküm June ita nung marijuana toktsütsü lemteta liasü.

Interview ka nung jembidang arishi küm 24, America tsür kentener, Miley Cyrus-i, hopta aika lai yi aser temesepba mozütem mechii arudar, ta

metedaktsü.

Tang la ken tasen aser kensep 'Younger Now' atema kanga mazüngi inyakdar, ta osang angazüker.

'Wrecking ball' ken atenlaisa, la ganja achiba agi la temang tashi meiti akumer aser lai shilem agiba nung kongshir, ta ashi.

"Ganja achiba agi ni tashi maiter, aser ni kü mapa nendaka inyaktsü atema item temesepba chiyungtsü toktsü," ta lai ashi.

September 29, 2017 nü Miley Cyrus-i la indang studio kensep trokbuba, "Younger Now" sayago. Tamalen lai iba kensep nungi "Malibu," "Inspired," "Younger Now," aser "Week Without You," kentem LP ajanga sayaa liasü.

Iba kensep nung ken 11 lir.



October 01, 2017: Bigg Boss 11: Judwaa 2 film nung tongti shilem agir actors- Varun Dhawan, Taapsee Pannu aser Jacqueline Fernandez nungeri Big Boss season 11 premiere sentong nung shilem agiba noksa nung angur. Actor Salman Khan-i ketdangsüba Bigg Boss 11 ya kobi melii television nung sayutsü.

TAN HOPTA ATEMA - KOMA SÜLA ?

Q. Nagaland nung Job card aser Voter's identity card na prongla Aadhar card den sendaktepdaktsür amshi nunga koma süla ?

Social media tool rongnung Snapchat tajungba asütsü

New York, October 01 balaka agütsü.

(Agencies) : Nisüngtem Parnokisa ano iba tejangraba ajema kümber aliba bushisüngdang nung denertema mapang ka nung TechAnnounce - official email tongteprateptsü asoshi sabang announcement/communication tajungtibaji Snapchat ang method for Texas Tech akümtsü akok ajistüaka iba University – ajanga dendaktsü sabang kanga amshiba ajanga aser iba nung kaketshir parnok iba amshiba yimya meindoktet 500 shii shilem agi.

akümtsü akok, ta Iba bushisüngdang nung bushisüngdangertemi ashi. Snapchat ya tongteprateptsü asoshi lenmang sadema maliba nisung kar atemabo kanga teyari tajung agütsüba sabang ka lir kechiyong iba ya ajanga kecha tebilemtsü makai tongtepratepyim balaka ajanga tesendaktep yudakstsüter. Iba den külemi, ano nisung karbo iba sabang amshiba yimya kanga mejungi sübaa lir," ta Texas Tech University nungi graduate kaketshir J.J. Delacruz-i ashi.

Iba bushisüngdang asoshi parnoki College of Media & Communication nung azünger kaketshirtem department indang Sona survey system ajanga shimteta liasü, aser iba online bushisüngdang nung adener kaketshirtem nem tenüngsang

bushisüngdang nung TechAnnounce - official email announcement/communication tajungtibaji Snapchat ang method for Texas Tech akümtsü akok ajistüaka iba University – ajanga dendaktsü sabang kanga amshiba ajanga aser iba nung kaketshir parnok iba amshiba yimya meindoktet 500 shii shilem agi.

Iba bushisüngdang nung kaketshirtem dang parnoki kechiba tongteprateptsü asoshi Snapchat amshir ibaji asüngdanga liasü. Iba den külemi kechi ajanga aser koba mapa agi parnok iba sabang amshitsü jangradaktsü ta asüngdang.

Ano parnok dangsa tanga social media tsütsüa parnok tejangraba koma sur aru aser kechi kodaser Snapchat-i parnok jangradaktsü itemja asüngdang. Ano kasa mapang parnoki kaketshirtem dang tasüngdangba balala ajanga tetsür aser tebur tsüngda bendangtsü dena asüngdang.

Snapchat ajanga osang kangasa tatsü benshitetba ajanga iba sabang koma azüoka amshitsü ibaji angateta amshittetsü," ta graduate kaketshirtem jagi ashi.

Mezunguba nung Snapchat

ajanga pei bilembatem kanga mela lemsateptetba ajanga tamshirtem kanga temulung asür. Tanabuba nung khen adokba contents ji karakara samar, aser tamshirtemi tatalokbatem dang rongdak nung parnok kechi koda ka amshiner kecha tebilemtsü makai yamaji amshiteter – parnok koma yamaji südakstsür, ta bushisüngdangertemi ashi.

"Itemji ajanga nisung ka par anasatep tembartem den tesendaktep tajung yuteter amai onoki bilemer," ta Delacruz-i ashi.

Snapchat ya tongtepratep mapang nung lokti nung mesü niija nung lemsatepba ajanga tenokdangbatem nungpoktsü asoshi sabang tajung ka lir saka iba sabang ya ashiba ama metoktsüba yimya ka akümtsü ana nung lir.

"Pei sasa pei mapang tataktet meteta amshiba ajanga yimya sübaba nungi kümzüksü. Yamaji inyakba ajanga parnoki iba sabang koma azüoka amshitsü ibaji angateta amshittetsü," ta graduate kaketshirtem jagi ashi.

Russia nungeri ni kanga sapur:Hema Malini



Moscow, October 01

(Agencies) : Actress tejen aser politician Hema Malini, shiba cinema nung kanga junga shilem agiteta asoshi tang Moscow nung senpet ka agizüksü asoshi arua lir, la dang Rusia nung aliba nüburtemi temeim ulura sayua anepaluba asoshi kangsa pelar.

Lai, "Yangi aliba nüburtemi la kodang mamatetba "Seeta Aur Geeta" film shilem tanabuba nunga reprangdangler," ta ashi.

Arishi küm 68 tain Hema Malini ya yangi 4buba Indian Film Festival of Russia (IFFR) sentong nung adentsü asoshi aruba lir, aser iba sentong nung la aser film yanglur Madhur Bhandarkar na nem tetushi agütsütsü.

La Rusi-i aoba aser iba sentong indang lai Deobarnü twitter ajanga yamai lemsatepa lir:

"Ni India cinema nung shilem agia züngsema aser aji Russia lima aser alima rangben nung nüngtugu kümzüksüba pelatepa anga," ta Hema-i ashi.

Celina Jaitly-i jakrep aso; ka asü



Dubai, October 1

(Agencies) : Actress Celina Jaitly-i osang tajung aser tamajung ka metedaktsü. Lai jakrep asoba osang metedaktsü saka jakrep jabaso rongnung ka temulungjang majungba ajanga magishiba osang kanga sasaseta ashi.

Social media nung: Dussehra benjong mapang Honibarnü jakrep aso saka ka magishi, ta Celina-i lemsatep.

"Tsüngremi ano ozü nem jakrep tanabuba moatsü, Arthur Jaitly Haag aser Shamsher Jaitly Haag. Tena ya September 10, 2017 nü Dubai nung aso. Aji oda süaka takümji aseni atongba sentong nung malir. Ozü jabaso Shamsher Jaitly Haag temulungjang nung kanga tashi maitba ajanga iba lima nung meliteti tango atem," ta lai zülü.

"Temulungbo kanga raksar saka pa asü yonga pa indang shilem ka, Arthur bo anünga

asoshi senpet ka agizüksü asoshi Moscow nung arua lir. Russia nungeri ni sapua meimba ya kanga mamangtettüsüka lir. Balakata 'Seeta Aur Geeta' fil ya lir. Küm 40 sülen ano ni dang shilem agira parnoki iba film indang tanabuba shilem reprangner!" ta lai ashi.

Sari temerem ka agi kanga azüa nair, Bollywood indang 'dreamgirl'-i la Indian Ambassador to Russia Pankaj Saran, aser pa kinungtsü na den tangokba noksa ka lemsatep. Lai tesem reprang jajats melena la indang fan ka dena noksa ka tangoka lir.

"Tanep ni kanga tang nüngtugu Red Square nung jajazür," ta lai casuals sobutsü sobur tangokba noksa ka teküpok zülua lir.

"Ni asoshi ibai kanga dang nema tangtetba sentong ka lir! Ni shilem agiba film tem nungi nüngtugu kentem atemdang sentepa aliba teloki kanga pelatepa anga," ta Hema-i ashi.

Ireland:Tanur raksaa indoktsü nokdangba atema longkak ait

Dublin, October 01 (Agencies) : Ireland nung tanur raksaa indoktsü kanga sashia nokdangba anema Dublin nung nüburtemi longkak ait, ta osangbenertemi ashi.

Honibarnü linük yimtiba tiyong nung longkak aitetertem adenshia iba March nung shilem agidang parnoki, "Hey, hey Leo (Ato Kilonser Leo Varadkar), 8th amendment ji indoktsüla" ta yimyim ayim aser parnok amba banner tem o zülu balala zülu amer liasü", ta osangkaket nung shia lir.

Taküm iba March ya temeten agütsür, ta trokbuba lir aser ibala osangkaket ajangasa ashi. mesükba longkaktem Tanur raksaa indoktsüji rongnung tan telungsoba aser tanur tetsü taküm kümzüksü, takok anguba mapa ka liasü koda masüba mapang nung

tang melar, aser iba dak alaka Ireland nung tanur raksaa indokra talangtiba agi tepuokdak küm 14 ayütsü ozüng lir.

Küm shia Ireland tsüür meyirjang aika ozüng kübok tanur raksaa indoktsü asoshi Britain lima tonga aoer.

Tanur raksaa indoktsü nokdangba ozüng anemertemi yimi aser linük rangben nung iba ozüng agentsü asoshi longkaktem aita liasüged, ta osang ajanga ashi.

Iba longkak ya London nung aliba embassy kima Honibarnü ait aser iba mapang longkak aitetemi Ireland tsüür jenti küm 30 dak tali UK tonga oa tanur raksaa intokba osang tejangja metedaktsü.



September 30, 2017 nikongdang Myanmar kübok Yangon nung Miss Universe Myanmar 2018 tetoktepba nung Hnin Thway Yu Aung (abelen)-i takok anguba sülen korang semoktsüba angur. Hnin ya Bago region nungi lir aser 2018 küm 67 buba Miss Universe tetoktepba nung lai Myanmar tenüng nung shilem agütsü.

lirji iba jagi temulung tera süngzüker, iba jabaso tejang ajanga pa adianui, Shamsher shiba agi pa kanga mesük, pai Kodak nungi tebuo aser, kübó nunger teben nung mener onok teti reprangdar ta bilemtedaktsütsü. Kübó-ia ita an tejakdang onok toktsür ao," ta hotelier Peter Haag kinungtsü Celina-isa ashi.

Tena mezunga jabaso ana jakrep aso, Winston aser Viraaj. Tena tang arikshi küm pung lir.

"Kübó asüba aser ano tang jabaso Shamsher ya longpok tatembang nung tesangwa tila ka anguba medem lir, aser iba tesangwaji tang mesüi aliba ozü jabaso Arthur Jaitly Haag lir. Pa alima nung libaliro yonga aotsü asoshi nenok ajak indang temaotsü aser temeim nüngdaker.

"Nenoki ozü dang meimtsü aser nungittsü bilema alibatem asoshi jilia kanga pelaba sangdonger," ta lai ashi.



Mumbai, October 01, 2017: Deobarnü Mumbai nung Urban Maharashtra Open Defection Free (ODF) 'SANKALP-PURTI' tenzükba sentong nung Tir, Ram Nath Kovind adenba noksa nung angur.

Diwali sülen Rahul Congress tongti inyaktsüa akok: Sachin Pilot

New Delhi, October 01 (Agencies): Diwali benjung sülen nungi Rahul Gandhi-i Congress Tir mapa agizüktüa akok, ta Deobarnü Rajasthan nung party lenir, Sachin Pilot-i metedaktsü.

Sachin Pilot-is, Gandhi temaba jenjangi ajungketsü atema mapang talangka nungi jembia arur, ta ashi.

Interview ka nung jembidang Pilot-i, "Congress indang organisational elections tagidak lir aser Diwali sülen mapang tatsüka tsüngda Tir tasen shimtsüa akok; iba atemaji mapang talangka nungi jembia arur," ta metedaktsü.

Congress lenirisa ashiba agi, party nung inyakertemi joko Rahul Gandhi-i temaba menden atsünger party tejakleni anitsü mapang tongogo ta bilemer, iba

den külemi party nung lanurtem aser taintem ajak nem liromedema maongka agütsütsüla ta bilemer.

Pilot-is, Gandhi-i tatong Tir ka ama mapa aika bera arudar, saka pa ajungkettsüji mapang tetemsü nung asütsüla ta bilema liasü, aser tang iba mapangji tongogo, ta ashi.

Rahul Gandhi'er aianu, Priyanka Gandhi Vadra-ia yimtenren nung shilem agitsü asü? ta asüngdangba langzüdang taoba mapang minister Pilot-i, "La Congress party nung süaka lai yimtenren nung yakyaka shilem agitsü mesüra magitsüji la melung," ta ashi.

Taoba mapang Union minister aser Congress lenir, asür Rajesh Pilot'er jabaso-is, election nung takok angutsüji party-i nübur melung koktetba

aser party-i inyakba dak keta lir, ta ashi.

Congress nung taintemi lanurtem nem maongka agütsütsü asü, ta asüngdangba langzüdang Rajasthan Congress tongti, Pilot-i, "Maongka agütsübaji masü saka ajak longjemer inyakbajai tongtibangba," ta langzü.

"BJP-i party nung taintem mezüngmeshiba ama masü saka Congress-ibo taintem shisatsü agia longjemer inyaktsü," ta paisa shisem.

BJP aitsüba olen ka nung pai, pei tangatetba onüktemji nübur matsüngdang kangshia mebenoktsüla aser yimtenren nung tesembatep malitsüla, ta ashi.

"Yimtenren nung tetokteper dangashi tsükchitepba malitsüla, aser asenoki democracy akhümtsübutsüla," ta paisa shisem.

GST kübok totzü aitdaktsüsü atema Council-i lemtettsü: Pradhan

Amritsar, October 01 (Agencies): Union Petroleum Minister, Dharmendra Pradhan-i petroleum product tem Goods & Services Tax (GST) küboki aitdaktsüsü atema telemtetbajii GST council-i dang agitsü, ta metedaktsü.

Pai ashiba agi, Petroleum products ji GST küboki aitra ibaji ajanga customer tem khuret pungbatsü.

Amritsar nung osangbenertem den jembidang Pradhan-i, "Petroleum product

balala indang jenjang latetdar, aser ibaji state aser Centre sorkar teyari agia GST council nung benoktsü, aser GST kübok aitra ibaji ajanga customer tem khuret pungbatsü," ta ashi.

Paisa, "Ato kilonser, Narendra Modi kübok tang India ya tongtibang tensa ka nung lir; ochimashi anema rara tulu ayongzükogo. Asen linük renlokdar aser maneni aintsü," ta metedaktsü.

GST dak sendakba tasüngdangba ka langzüdang pai,

"Linük atema GST ya benjung ka mesüka lir; GST atema mapang talangka o lemtepa aruba den külemi state sorkartem, Centre sorkar aser nüburtem den angatettepa iba ya benok," ta ashi.

"Kodang telemtetba tulu ka agia benokdir, tajangzük angutsü atema mapang agir, aser tilateri timtem balala adoker, ajisüka sorkari iba atema kümdanga inyakdar aser shishilembartemia timtem majorur. GST saru timba kümdar," ta paisa shisem.



October 01, 2017 nü Uttarakhand state kübok Gauchar anasa Union Home Minister, Rajnath Singh-i "Swachhata Hi Sewa" Abhiyan nung shilem agiba noksa nung angur.

India-i Myanmar aser Bangladesh den border crossing point ana lapok

New Delhi, October 01 (Agencies): India-i Myanmar aser Bangladesh den border crossing point ana lapokogo, koba ajanga kidanger linük ana den tesendaktep tajungba yangluba kuli sayur.

Union home ministry-i sangdong ka ajanga, Myanmar nungi passenger tem kulikaket bener India telungi aittü mesüra aotsü atema Centre sorkari Mizoram nung Lawnglai district kübok Zorinpui land check post lapokogo, ta metedaktsü.

Ano tanga sangdong ka nung Home ministry-isa, Bangladesh nungi passenger tem kulikaket bener India telungi aittü mesüra aotsü atema Centre sorkari Mizoram nung Lunglei district

kübok Kawrpuichhuah land check post lapokogo, ta metedaktsü.

Zorinpui ya new land custom station atema Mizoram nung aliba India-Myanmar border arrtsü nung lapok, aser iba ya Kaladan multi-modal project atema lir.

Zorinpui ya Myanmar kübok Sittwe Port nungi kilometer 287 pilar lir.

Taoba Ato kilonser, Manmohan Singh-i 2012 küm May ita nung Myanmar semdangba mapang nung linük ana tsüngda tezungzüktep agiba nung Zorinpui densema lir.

Ano Kawarpuchiah ya Mizoram nung India-Bangladesh arrtsü nung lir.

Ato kilonser, Narendra Modi taküm September 5 nungi tenzüka anogo ananü Myanmar semdanga liasü, aser iba mapang nung tamalen tezungzüktep agia aliba onükia jembia liasü.

India aser Myanmar na tsüngda arrtsüji kilometer 1,643 talang lir, aser iba arrtsü ajanga Arunachal Pradesh, Nagaland, Manipur aser Mizoram state tem kongshir.

India aser Bangladesh nata arrtsü kilometer 4,096 talang lir aser iba arrtsü ajanga Assam, Tripura, Mizoram, Meghalaya aser West Bengal state em kongshir.



New Delhi, Ocober 01, 2017: Deobarnü New Delhi yimti lenmang nung Muslim nunger benjung 'Muharram' procession sentongka nung Shi'ite Muslim nungertemi parnok sasa tareptsü inzü agi arepba noksa nung angur.

Minister masü saka railways melenshitsüla: Congress

New Delhi, October 01 (Agencies): Tawa Mumbai nung aliba apu ka nung lendong ataloka nisung 23 ajemsetba atema railways aija Congress-i

parnoki passenger tem lendong majurutsü atemabo kecha meinyak.

Ato kilonser, "Mapang mapangshia iba apu nung senzürtemi iba apu lendong ajurutsüa aliba indang aiben metedakja aruogo. 2015 küm Central Railway-ia Parel aser Elphinstone Road station na sendaktepba apu ya tashi mait ta nangzüka liasü," ta ashi.

"Ajisüaka mapa anüalema inyakba aser railway ketdangsertemi temelung magütsüba ajanga tamakok angu," ta laisa ashi.

Iba tatalokba bushisüngdangtsü atema Congress-i judicial inquiry takhangba agütsüba den külemi sorkar dang takoksa angur kibongtem nem teyari sen lakh 5 ji masü saka tajemba agi sen lakh 50 agütsütsüla, ta takhangba agütsü.

"Railway safety department nung mapa tazüng lakh 1.42 lir. Railway lendong nung takoksa angurtem nem item mapaji agütsütsüla," ta laisa shisem.

Dev-i ashiba agi, benjung mongpu nung ajemdaker railways-i platform ticket sen 10 nungi sen 20 ajungket, ajisüaka



October 1, 2017 anogo Cox's Bazar, Bangladesh nung Rohingya refugee tem tayari meshitsü atatepba mapang tangokba noksa nung angur.

N. Korea 'state nuclear force' akümtsü nangzüker

Pyongyang, October 01

(Agencies): North Korea-i raraba noknū yangluba anema US-i anir tenokdangba agütsüba ajanga kicha tajangzük mangutsü aser North Korea ya nuclear tashi aliba linük ka akümtsü, ta iba linük osang ajanga ashi.

Korean nuclear teblemtsü indang jembitsü asoshi US Secretary of State Rex Tillerson densema Beijing nung ketdangsertem ajuruba sülen iba osang ya Korean Central News Agency indang website Uriminzokkiri nung Deobarnü agütsü. Tillerson ya US aser UN nati North Korea nem tenokdangba agüja aliba nung ajemdaker China den tongtepratepa Pyongyang asoshi jembitsü tenzükba lir.

Saka Tillerson-i iba ama meranga inyakba ya amajok akümtsü asoshi United States tejangraba mali, ta shia temelensi aurtü asoshi maparen balala inyaka ka küma longjemdaktsütsü merangaka, nuclear ken o jembitsü asoshi North Korea ketdangsertem dak tejangraba aliba mesayur," ta US State Department indang odongtar Heather Nauert-i ashi.

Pyongyang-i missile aser nuclear tendangba anendaktsütsü asoshi United State-i tashi amshitsü indang sentong kicha meshisem, saka taoba hopta Trump-i North Korea ajunga (dotard) ta aja.

"US aser South Korea indang mitkartemi tenokdangba agütsüba ajanga DPRK nuclear

tashi aliba linük ka makümtsü stüdi, ta bilemra parnoki kanga aibeleren asütsü," ta KCNA-i par linük official tenüng Democratic People's Republic of Korea amshia ashi.

"Mapang melenshia aoba ama US aser par tembar linük tem indang mitkartem ya leperi anir aotsü, ta parnoki temolung nung züngzüng ayutsüla," ta kasa osang ajanga ashi.

"Angatetteptsü asoshi jembinür asü? Asenok ya tamang tia nung masü. Pyongyang asoshi lenmang asem lapoka lir," ta Tillerson-i Honibarnü ashi.

"Tang aliba yimli raksatsütsü asoshi United States tejangraba mali, ta shia temelensi aurtü asoshi maparen balala inyaka ka küma longjemdaktsütsü merangaka, nuclear ken o jembitsü asoshi North Korea ketdangsertem dak tejangraba aliba mesayur," ta US State Department indang odongtar Heather Nauert-i ashi.

Pyongyang-i missile aser nuclear tendangba anendaktsütsü asoshi United State-i tashi amshitsü indang sentong kicha meshisem, saka taoba hopta Trump-i North Korea ajunga

samatsütsü amokmerena lir.

Saka mitkar tashi amshitsü ya kanga jangratemsü masü, kechiaser US tembar South Korea indang yimtiba Seoul, koba nung nütsüng million 25 lir, iba yimti ya North Korea anasa lir, ta ketcangser aikati ashir.

Tillerson-i Xi aser China nung ketcangser rongnungi State Councillor Yang Jiechi aser Foreign Minister Wang Yi nungertem ajuruaka KCNA-i mezungmeshi osang tasen sangdong.

KCNA-i sangdongba osang ka nung Trump ya tekolok meshidak tambur shibai pei sasa pei taküm samatsü asoshi nuclear tashi amshitsü jacker, iba ajanga America ya mi agi mobangtsü, ta ashi.

North Korea-i o sashia jembiba den külemi ballistic missile tem tendanga arur aser September 3 nung nuclear bomb trokbuba aser tesashitiba tendang.

Washington ya linük timbai busema North Korea indang nuclear sentong ya magizütter, ta sangdong.

Korean peninsula nung rara adokba ajanga alima ajunga nung tesama tulu ajurutsü, ta tsüputepba mapang ka lir.

US-Afghan mitkartemi kiralongrar 22 tepset

Kabul, October 01

(Agencies): Afghanistan anüdoklen aliba Nangarhar province nung US aser Afghan mitkartem külemi mita bushiba mapang Pakistan aser ISIS kiralongrar 22 tepset.

Kiralongrar tem ya Nazian aser Lalpur district nung tepset, ta iba province nung aliba sorkar indang osang ka ajanga ashi.

Lalpur district kubok Bila tesem nung Afghan Special Force temi Hokulbarnü menur mita bushiba mapang Pakistan nungi aruba kiralongrar tenet tepset aser Nazian district nung aliba Spinzhai tesem nung United States mitkartemi tayimtsü amshia amakba mapang ISIS kiralongrar 15 tepset, ta provincial sorkar sangdong ajanga ashi.

Iba tayimtsü amshia amakba sentong ya Haska Mina district nung inyak. Chaparhar district nung mita bushiba mapang Afghan mitkartemi ISIS kiralongrar ana apu.

Nangarhar province nung aliba ISIS aser Taliban telok maktoctsü mechii iba sentong ya tenzük aser kasa sentong nung US mitkartemi tayimtsü amshia Afghan mitkartem nem tevari agüja amaker.



US-i yangluba drone ka Yemen yimtiba Sanaa nung tsükba tesemi nüburtem arua reprangba mapang tangokba noksa nung angur. Iba drone ya Houthi indang missile ajanga Deobar anepdang khazuka yok, ta Houthi ketdangsertemi ashi.

Catalan referendum nung nisung aika yiru

Barcelona, Oct. 1 (Agenices):

Catalonia nüchiso meshitsü atema nüburtemi vote agütsüba nungi police temi nokdangba

agütsüba nokdangtsü asoshi linük police tem aser Guardian Civil yokba ya Catalan lenir Carles Puigdemont-i aitsü.

Washington ya linük timbai busema North Korea indang nuclear sentong ya magizütter, ta sangdong.

"Spain sorkari tim masüba yimya amshia azüdokshiba ajanga Catalan nüburtem manendaktsütetsü," ta Santamaria-i ashi.

North Korea-i o sashia jembiba den külemi ballistic missile tem tendanga arur aser September 3 nung nuclear bomb trokbuba aser tesashitiba tendang.

Iba ama lendong tulu adoka nüburtem azüdokshiba ya Puigdemont tai lir, ta Spain Interior Minister Juan Ignacio Zoido-i aitsü.

Polling station nung nüburtemi vote agütsüba nungi police temi nokdang aser tesem aika nung ballot papers aser ballot box tem rakzük, ta osang ajanga ashi.

Barcelona yimti nunga iba referendum busema nüburtem longkak aitba mapang police temi süng aser rubber agi yangluba injang amshi.

"Iba academy ya asen mitkartem asendenshitsü asoshi temolung agüja inyakba mapa nung shilem ka lir," ta Somalia ato kelonser Hassan Ali Khaire-i iba tesem semzükba sentong jemidang shisem.

Vote agütsür Julia Graell-i osangbener dang ashiba agi, police temi tanur tain kicha mebendangi tetsüng agü ajemtsü tenzük.

Somalia nung 1991 küm kin o kin tsüngta tentetba mitkartemi Siad Barre indang sorkar atsüngdok aser parnok-o parnok tsüngta rara tenzük.

Iba linük nung nüburtem yirur aliba osang ya Catalan regional sorkar aser iba region indang health department ajanga jangjashitsü.

Spanish interior ministry ajanga osang ka nung ashiba agi, iba referendum dak sendakba nung police ketdangser 11 yiru.

Iba ballot paper nung tasüngdangba ka dang lir: "Nai-a Catalonia ya republic yimya nung nüchiso kümdaktsünür asü?" aser iba tsünglang nung "Hao" aser "Nunga", ta langzütsü keta lir.

Osangbener den jemidang, "Police temi tim yimya amshia nüburtem vote agütsüba nungi nokdang," ta Spain Deputy Prime Minister Soraya Saenz de Santamaria-i ashi.

Girona nung Puigdemont vote agütsüba aliba tesem-i police tem oa iba vote agütsüba tesem shibangtsü saka pai polling station tanga nung oa pa indang vote agütsü.

Somalia nung Turkey-i mitkar amenok



Mogadishu, October 01

(Agencies): Turkey asoshi tanga linük nung mitkar amendakdak temes tulutiba ya Somalia yimtiba Mogadishu nung amenlokogo aser iba ajanga Horn of Africa linük nung Ankara mitkar timba kümdaktsür.

Sen million \$50 jenjang iba tesem ya Honibarnü lapok aser iba tesem nung Somalia mitkar 10,000 nem tesayuba balala

agütsütsü. Iba tesem nung mapang ka nung mitkar 1,500 nem tesayuba agütsüttetsü, ta Turkey aser Somalia ketdangsertemi ashi.

"Ibai Turkey linük tezülen mitkartem nem training agütsüba tesem tulutiba lir," ta Turkey indang Chief of General Staff, Hulusi Akar-i iba tesem sayaba sentong nung jemidang ashi.

"Turkey sorkar aser

mitkartemi adianu Somalia nem nüngakba ajunga nung tevari agütsütsü," ta Akar-i ashi.

Iba tesem ajanga alinük square kilometre pezü dak tali agia lir aser küm ana tejaklen iba tesem ya yanglu tenzükka liasü.

"Iba academy ya asen mitkartem asendenshitsü asoshi temolung agüja inyakba mapa nung shilem ka lir," ta Somalia ato kelonser Hassan Ali Khaire-i iba tesem semzükba sentong jemidang shisem.

Somalia nung 1991 küm kin o kin tsüngta tentetba mitkartemi Siad Barre indang sorkar atsüngdok aser parnok-o parnok tsüngta rara tenzük.

Somalia nung anülulen aliba linüktem indang sorkar tevari agia al-Qaeda den sendaktepa aliba al-Shabab telok den rara arudagi.

Somalia nung US aser United Arab Emirates sorkaria tevari balala agüja arudagi.

Somalia nung 1991 küm kin o kin tsüngta tentetba mitkartemi Siad Barre indang sorkar atsüngdok aser parnok-o parnok tsüngta rara tenzük.

Somalia nung 1991 küm kin o kin tsüngta tentetba mitkartemi Siad Barre indang sorkar atsüngdok aser parnok-o parnok tsüngta rara tenzük.

Osangbener den jemidang, "Police temi tim yimya amshia nüburtem vote agütsüba nungi nokdang," ta Spain Deputy Prime Minister Soraya Saenz de Santamaria-i ashi.

Catalonia nung vote



October 01, 2017 Deobar nikongdang Dimapur Govt College moapu nung Dimapur Ao Baptist Arogo kubok Merali Fellowship nung lanurtemi "Worship in the Park" sentong ka ayongzüka agiba nung tekülem anirtem noksa nung angur. Iba sentong nung lanurtemi ken atenba aser taküm kuli lemsatepba ajanga lanurtem aika temoatsü ngua liasü.

September ita Syria linük nung nisung 3,000 tepset: Monitor

Beirut (Lebanon), October 01 (Agencies): Taküm küm tenzüker Syria linük nung nisung teimitiba tepsetbaji September ita nung liasü, ta tanü Syrian Observatory for Human Rights monitor osang ajanga metedaktsü.

Syria nung rara ajanga taküm September ita nung civilian 955 densema tajemba agi nisung 3,000 tashi tepsetogo, aser ibaji taküm küm tenzüker iba linük nung nisung teimitiba tepsetba lir, ta kasa osang ajangasa metedaktsü.

Britain nung amenoka aliba Syrian Observatory for Human Rights monitor tongti, Rami Abdel Rahman-i, "Linük sorkar yimsüuba kubok Islamic State kiralongrartem den raradang Russian air strikes aser air raids nung civilian shilem 70 shi tepsetogo," ta metedaktsü.

Asürtem rongnung tanur 207, sorkar pusema rara nisung 790, Islamic State (IS) aser al-Qaeda den adenba telok balala nungi nisung 700 aser telungpur 550 shi densema lir, ta kasa osang ajanga metedaktsü.

Taoba hopta Human Rights Watch ajanga ashiba agi, US-i aniba teloktemi amakdang March ita nunga Syria nung civilian 84 tashi tepseta liasü.

AO KAKETSHIR TELONGJEM KOHIMA

**LEARN LABOUR ACHIEVE
KAKETSHIR ANOGO**

LOKTI SENDEN 2017

Anogo: 2nd October 2017 | Mapang: 11:00 A.M.
Tesenepdak: Molu Ki, Paramedical Colony, Kohima
Jongti O Jembir:
T. N. Jamir, IFS
DFO, Mokokchung, Nagaland

MEZUNG SENDEN

Sendong lapokba	: Ao Kaketshir Telongjem
1. Sendong lenir	St. Joseph's College, Jakhama
2. Sarasademtsü	Kr. Nukshinaro Pongen
3. Pela agizükba	Sp. Jongponglemba Jamir
4. Ashiakang O	President, KABA Youth Ministry
5. Ken ka	Sp. Tiarenba Jamir, Tir AKTK
6. Tajungshi O	Er. Talitoba Sangli.
7. AKTK Meritorious Award	Tir, Kohima Aor Telongjem
8. Sobaliba ken	Kr. Chubatola Imsong (Tayonger)
9. Tongti O	Wb. Wabang Jamir, IPS
10. Melepzung O	IGP Range Nagaland
11. Tatem sarasadem	Ao Shisashir Telongjem Kohima College, Kohima

Chiyongba Mapang

TANABUBA SENDEN

Menden	: Ketdangpur
Sarasademtsü	:
Osangtem agitsü	a) General Secretary Osang b) Audit Osang c) Nominating Osang
O lemtep mapang	:
Menden melentepba mapang :	
Menden tatem O	
Tatem Sarasadem	:



Kohima, October 01, 2017: Nagaland Civil Secretariat, Kohima nung 'Pay & Use Toilet' shingaia mamshir shibanga aliba noksa nung angur. Sen agütsür metsümeshidak ki ya Nagaland state küm 50 ajungba nüngtem nung PHED Nagaland-i yangluia liasü aser küm ana tejaklen Chief Secretary, CJ Ponraj-i semzükja liasü. Tawa osangbenertem kar metsü-meshitsü atema iba jagi ao saka shibanger liasü. Parnoki ashiba agi, ibaji sorkari anepalu mesütetra ni ja telok kar nem anepaludaktsütsüla.

Tepela Lemsateper



ASO:
23.12.1942

ASÜ:
24.9.2017

Onoki teti meima alisang **Mr. Korangangnen Jamir** (Mopungchuket), shirang yipden nung alidang nungi tasü nü tashi kija, kibong aser lokti balalai ozü kibong den nübo aser rongsen balalai yaritepogo, nenok ajak dang pelaba lemsateper.

Ozü-i nenok temeim aser teyari asoshi kecha meyipa magütsütetaka, Tsüngremi nenok ajak tali moajang ta ozü sarasadem.

- *Temeim Kinungtsü, Chirnur, Semchirtem & Kinungertem*

Pelaba Lemsateper



Onok, asür **Lanutemsu Longkumer** (Waromung)'er kinungertem pa shiranga aliba mapang aser pa iba lima nungi pilar onok mangyim jashi nung alidang sarasadem, nübo aser rongsen agi bendanga agüja yariteperte kija-kibong, Arogo, lokti tentet, yimtsür-yimer, kidang-kiyonger, tembar-medemertem aser temeimertem ajak dang kanga pelaba metedaktsü.

Onoki nenok nisung shia tenüngteta meshitetba atema kanga sasar, ajisüaka nenok teyari aser temeim mapa tajungtem teti onok mulung nung alitsü.

Tulusang Tsüngremi nenok ajak talubosa moajangma.

- *Temeim kinungtsü & kinungertem.*

REJOINDER

Dated Kohima the 30th. September 2017.

The undersigned is shocked and surprised to know of a press release issued by the Government of Nagaland, Department of Higher & Technical Education : Nagaland that appeared in Nagaland Post dated Wednesday the 27th of September 2017, page-5, where my name was mentioned based on an allegation propounded by an anonymous / pseudonymous Organization called "The Brighter Tomorrow (Nagaland Chapter): Camp: Dimapur" (Complainants), who were called to appear before the One Man Inquiry Commission on 4th-6th. October 2017 during office hours in between 11:00-15:00 Hrs to substantiate their allegations against the officials with documentary evidences and proofs, if any.

In the light of the above, I would like to clarify the following points raised by the complainants : "The Brighter Tomorrow (Nagaland Chapter): Camp: Dimapur."

- Firstly, so far, no copy of complainants' letter was endorsed to me either from the Government nor the complainants : "The Brighter Tomorrow (Nagaland Chapter): Camp: Dimapur" in this matter. I came to know from the local newspaper with utter shock & dismay on 27-09-2017 only. I could procure a copy of the letter from some reliable sources immediately to educate myself.
- Secondly, the complainants alleged the period as 2010 to 2014, but the undersigned took the Officiating charge of Directorship on 1st. August 2013, therefore, how am I implicated for the period when I was not a Director in the department ? (2010 to 31st. July 2013). Did anyone impersonate me as the Director of the department during the said periods ? Please prove it!
- Thirdly, the Government of Nagaland, Home Department vide its letter No. Home/ SRC/7660/2017 stated that the Society in the name of Brighter Tomorrow (Nagaland Chapter): Camp: Dimapur is Not Registered under Home Department, Government of Nagaland. It means the Society is fictitious & nonexistent. If the Complainants are a genuine welfare and benevolent society, then why not unmask yourselves & come face to face and sort out the issues without maligning the image of honest officers? I have served the people with honesty & integrity for last 35 years and gracefully retired on 30th June 2015. Why were the matters & issues not discussed & endorsed frankly when I was holding the post of the Director? After the lapse of two years of my retirement, why did the petitioners put up the letter secretly to different authorities without proper identity and address. Is it not an act of cowardice and intent to tarnish my name & image to mislead the general public by giving mala fide statement in public domain? As a Christian, do you feel blessed through your act of malicious conspiracy against me ? I hope that the motto of your society, is not "Honesty is the First Casualty !"
- Fourthly, for the consumption of all concerned, the PMCS (Scholarship) is disbursed online to all beneficiaries provided their applications are found to be genuine & authentic, and further, question of misappropriation/ mismanagement of fund does not arise at all, since cash is never handled at any level. As per the Financial & Cognate power Rules-1964, the delegation of power to receive & disburse the Scholarships is endowed upon the HODs. Are you interpreting the delegation of financial powers bestowed upon the HODs as per the provisos of existing rules as mismanagement / misappropriation of funds? Every account in the department is auditable by the AG, timely reconciliation/ cross-checking of figures is done with AG & Finance Department, government and utilization certificate is forwarded to the Government of India, Ministry of Tribal Affairs for perusal & sanction for succeeding year through the Government of Nagaland. So far, all audited statements are completed and found to be correct till the date of my retirement.
- Lastly, I appeal to the so called Brighter Tomorrow (Nagaland Chapter): Camp: Dimapur, if you do exist & are Genuine Believers in Christ then let's reason face to face, because Ecclesiastes 12:14. Says "For God will bring every deed into judgement, including every hidden thing, whether it is good or evil." I am not angry but I pity you because vengeance belongs to the Lord! I am ready to forgive you in the name of our Lord & Saviour Jesus Christ if you apologize for the false & concocted allegations meted against me.

(C.KHALONG AO)
RETD. DIRECTOR
HIGHER EDUCATION, NAGALAND

ODI ranking nung India temaba jenjang tongtetogo



Nagpur, October 01

(Agencies): Deobarnü Nagpur nung India aser Australia tsüngda one-day international (ODI) cricket pongububa asayaba nung India-i Australia madak wicket tenet agi koka ODI ranking temaba jenjang tongtetogo.

Brehostibarnü Bengaluru nung pezübuba ODI asayaba nung Australia-i runs 21 agi India madak takok angu aser iba ajanga ODI ranking nung temaba jenjang nung melitettsüsa aküm.

Deobarnü asayaba nung Australia-i yangluteta aliba runs 242 ya ball 43 anünga lia tongteta tang tasayadak aliba series India-i 4-1 agi akok.

Australia-i yanglua yutsüba runs ngutettsü asoshi tenzükang Rohit Sharma aser Ajinkya Rahane nati runs 124 yanglutet. Rahane-i runs 61 ngutet aser iba ya pai tanen makai half-century pezüben yangluba lir.

Sharma-i iba asaya nung ball 109 nungi runs 125 yangluteta

pai ODI nung century 14buba tongtet. Pai iba asaya nung four 11 aser six pongu azük.

India nunger cricket asayartemi tekeratiba runs 6000 ajunger rongnung Rohit ya tasembuba kümogo.

Mezungbuba innings nung India nunger bowler temi kanga junga asayateta Australia-i runs 242 yanglutet aser wicket 9 out asü.

Iba asaya nung Australia telok nungi David Warner-i runs timba yanglutet, pai ball 62 nung runs 53 yanglutet.

Tang ICC-i agütsüba ODI ranking yamai alitsü:

Rank	Team	Matches	Points	Rating
1	India	36	4,493	125
2	S Africa	31	3,395	110
3	England	43	4,497	105
4	New Zealand	32	3,114	97
5	Australia	34	3,294	97
6	Pakistan	31	2,868	93
7	Sri Lanka	36	3,229	90
8	West Indies	30	2,260	75
9	Bangladesh	20	1,471	74
10	Zimbabwe	10	0	0

India aser Australia tsüngda T20I asem asayatsü lir.

Sindhu, Saina, Srikanth nunger quarter nungiang asayatsü NATIONAL CHAMPIONSHIPS

Bengaluru, October 1 quarter nungiang asayatsü.

(Agencies): Badminton Association of India (BAI)-i BWF World Rankings nung temaba jenjang 50 tashi nung alirtem ajak nem taruba National Championship nung quarter-finals nungi indang indanga asayatsü asoshi maongka agütsütsü. Maneni iba asayamung nung takok angurnem taküm mezüngbuba senpet sen crore 1 agütsütsü.

Iba inyakim nung shidak anidaka ora, World Championship nung silver medal angula PV Sindhu (world No 2), aser bronze medal angula Saina Nehwal (world No 12) na quarter final nungiang asayaba angutsü.

Maneni teburtem rongnungi Kidambi Srikanth (No 8), HS Prannoy (no 15), B Sai Praneeth (No 17), Sameer Verma (No 19) aser Ajay Jayaram (No 20) nungera

Asian Junior Championship nung shilem agütsüba Indian Squad yamai alitsü:

Boys U-17: Meirab Maisram, Dhruv Rawat, Iman Sonowal, Aakash Yadav, Amit Rathore, Sathish Kumar, Edwin Joy, Arvind V Suresh, Vishnuvardhan Goud, Ishan Bhatnagar, Khush Chug.

Boys U-15: Sidhant Gupta, Ayush Raj Gupta, Punshiba Yengkhom, Jayant Rana, Varun Kapur, Vikas Yadav, Arshad Shaik, Shubham Patel, Sanjeev Rao, Khajamoinuddin Shaik.

Girls U-17: Gayatri Gopichand, Akarshi Kashyap, Unnati Bisht, Malvika Bansode, Ritika Thakkar, Samiya Imad Farooqui, Varshini VS, Sahiti Suresh, Kavi Priya, Keyura Mopati.

Girls U-15: Sneha Rajwan, Ashi Rawat, Kriti Bhardwaj, Treesa Jolly, Reza Mehreen, Tanya Hemant, Aditi Bhatt.

M DFA TROPHY 2017 FIXTURE

POOL A	POOL B	POOL C	POOL D
1.TIA MAREPKONG 2.RONGPANG REJU 3.INTERMINGLE CLUB 4.SOCCER CLUB	1.NU LUMAMI 2.SSS YELLOW 3.TELONGJEM F/C 4.DOMINION CLUB	1.ALEMPANG TIA 2.UNITED BROTHERS F/C 3.ARICKOTONG 4.MONGSERBAI YOUNGSTERS	1.GRAND ELITE'S 2.MONGOLIAN UNITED 3.ZONIPANG TIA
1-10-17 TUE	1-10-17 WED	1-10-17 THU	1-10-17 FRI
2-10-17 THU	2-10-17 FRI	3-10-17 SAT	3-10-17 MON
3-10-17 FRI	3-10-17 SAT	4-10-17 SUN	4-10-17 MON
4-10-17 SAT	4-10-17 SUN	5-10-17 MON	5-10-17 TUE
5-10-17 SUN	5-10-17 MON	6-10-17 TUE	6-10-17 WED
6-10-17 MON	6-10-17 TUE	7-10-17 WED	7-10-17 THU
7-10-17 TUE	7-10-17 WED	8-10-17 FRI	8-10-17 SAT
8-10-17 WED	8-10-17 FRI	9-10-17 SUN	9-10-17 MON
9-10-17 FRI	9-10-17 SUN	10-10-17 MON	10-10-17 TUE
10-10-17 SUN	10-10-17 MON	11-10-17 TUE	11-10-17 WED
11-10-17 MON	11-10-17 TUE	12-10-17 WED	12-10-17 THU
12-10-17 TUE	12-10-17 WED	13-10-17 THU	13-10-17 FRI
13-10-17 WED	13-10-17 THU	14-10-17 FRI	14-10-17 SAT
14-10-17 THU	14-10-17 FRI	15-10-17 SAT	15-10-17 SUN
15-10-17 FRI	15-10-17 SAT	16-10-17 SUN	16-10-17 MON
16-10-17 SAT	16-10-17 SUN	17-10-17 MON	17-10-17 TUE
17-10-17 SUN	17-10-17 MON	18-10-17 TUE	18-10-17 WED
18-10-17 MON	18-10-17 TUE	19-10-17 WED	19-10-17 THU
19-10-17 TUE	19-10-17 WED	20-10-17 THU	20-10-17 FRI
20-10-17 WED	20-10-17 THU	21-10-17 FRI	21-10-17 SAT
21-10-17 THU	21-10-17 FRI	22-10-17 SAT	22-10-17 SUN
22-10-17 FRI	22-10-17 SAT	23-10-17 SUN	23-10-17 MON
23-10-17 SAT	23-10-17 SUN	24-10-17 MON	24-10-17 TUE
24-10-17 SUN	24-10-17 MON	25-10-17 TUE	25-10-17 WED
25-10-17 MON	25-10-17 TUE	26-10-17 WED	26-10-17 THU
26-10-17 TUE	26-10-17 WED	27-10-17 THU	27-10-17 FRI
27-10-17 WED	27-10-17 THU	28-10-17 FRI	28-10-17 SAT
28-10-17 THU	28-10-17 FRI	29-10-17 SAT	29-10-17 SUN
29-10-17 FRI	29-10-17 SAT	30-10-17 SUN	30-10-17 MON
30-10-17 SAT	30-10-17 SUN	31-10-17 MON	31-10-17 TUE
31-10-17 SUN	31-10-17 MON	1-11-17 WED	1-11-17 THU
1-11-17 MON	1-11-17 WED	2-11-17 THU	2-11-17 FRI
2-11-17 TUE	2-11-17 WED	3-11-17 FRI	3-11-17 SAT
3-11-17 WED	3-11-17 THU	4-11-17 SAT	4-11-17 SUN
4-11-17 THU	4-11-17 FRI	5-11-17 SUN	5-11-17 MON
5-11-17 FRI	5-11-17 SAT	6-11-17 MON	6-11-17 TUE
6-11-17 SAT	6-11-17 SUN	7-11-17 TUE	7-11-17 WED
7-11-17 SUN	7-11-17 MON	8-11-17 WED	8-11-17 THU
8-11-17 MON	8-11-17 TUE	9-11-17 THU	9-11-17 FRI
9-11-17 TUE	9-11-17 WED	10-11-17 FRI	10-11-17 SAT
10-11-17 WED	10-11-17 THU	11-11-17 SAT	11-11-17 SUN
11-11-17 THU	11-11-17 FRI	12-11-17 SUN	12-11-17 MON
12-11-17 FRI	12-11-17 SAT	13-11-17 MON	13-11-17 TUE
13-11-17 SAT	13-11-17 SUN	14-11-17 TUE	14-11-17 WED
14-11-17 SUN	14-11-17 MON	15-11-17 WED	15-11-17 THU
15-11-17 MON	15-11-17 TUE	16-11-17 THU	16-11-17 FRI
16-11-17 TUE	16-11-17 WED	17-11-17 FRI	17-11-17 SAT
17-11-17 WED	17-11-17 THU	18-11-17 SAT	18-11-17 SUN
18-11-17 THU	18-11-17 FRI	19-11-17 SUN	19-11-17 MON
19-11-17 FRI	19-11-17 SAT	20-11-17 MON	20-11-17 TUE
20-11-17 SAT	20-11-17 SUN	21-11-17 TUE	21-11-17 WED
21-11-17 SUN	21-11-17 MON	22-11-17 WED	22-11-17 THU
22-11-17 MON	22-11-17 TUE	23-11-17 THU	23-11-17 FRI
23-11-17 TUE	23-11-17 WED	24-11-17 FRI	24-11-17 SAT
24-11-17 WED	24-11-17 THU	25-11-17 SAT	25-11-17 SUN
25-11-17 THU	25-11-17 FRI	26-11-17 SUN	26-11-17 MON
26-11-17 FRI	26-11-17 SAT	27-11-17 MON	27-11-17 TUE
27-11-17 SAT	27-11-17 SUN	28-11-17 TUE	28-11-17 WED
28-11-17 SUN	28-11-17 MON	29-11-17 WED	29-11-17 THU
29-11-17 MON	29-11-17 TUE	30-11-17 THU	30-11-17 FRI
30-11-17 TUE	30-11-17 WED	31-11-17 FRI	31-11-17 SAT
31-11-17 WED	31-11-17 THU	1-12-17 SAT	1-12-17 SUN
1-12-17 THU	1-12-17 FRI	2-12-17 SUN	2-12-17 MON
2-12-17 FRI	2-12-17 SAT	3-12-17 MON	3-12-17 TUE
3-12-17 SAT	3-12-17 SUN	4-12-17 TUE	4-12-17 WED
4-12-17 SUN	4-12-17 MON	5-12-17 WED	5-12-17 THU
5-12-17 MON	5-12-17 TUE	6-12-17 THU	6-12-17 FRI
6-12-17 TUE	6-12-17 WED	7-12-17 FRI	7-12-17 SAT
7-12-17 WED	7-12-17 THU	8-12-17 SAT	8-12-17 SUN
8-12-17 THU	8-12-17 FRI	9-12-17 SUN	9-12-17 MON
9-12-17 FRI	9-12-17 SAT	10-12-17 MON	10-12-17 TUE
10-12-17 SAT	10-12-17 SUN	11-12-17 TUE	11-12-17 WED
11-12-17 SUN	11-12-17 MON	12-12-17 WED	12-12-17 THU
12-12-17 MON	12-12-17 TUE	13-12-17 THU	13-12-17 FRI
13-12-17 TUE	13-12-17 WED	14-12-17 FRI	14-12-17 SAT
14-12-			